

UPUTSTVO ZA POPUNJAVANJE OBRASCA DV-B

Cilj istraživanja i predmet posmatranja

Godišnjim izvještajem banaka i mikrokreditnih organizacija (DV-B) prikupljaju se podaci o ostvarenim rezultatima poslovanja za 2020. godinu u cilju izvođenja obračuna bruto vrijednosti proizvodnje, dodane vrijednosti i njene troškovne strukture.

Godišnji izvještaj DV-B popunjavaju pravni subjekti koji knjigovodstvo vode po kontnom planu za banke i slične finansijske institucije, a na osnovu knjigovodstvene dokumentacije o poslovanju u 2020. godini.

Definicije osnovnih kategorija

Neto prihod od kamata je dio bruto vrijednosti proizvodnje finansijskih organizacija i jednak je razlici između ukupno primljenih kamata i ukupno plaćenih kamata.

Bruto vrijednost proizvodnje finansijskih organizacija jednaka je zbiru neto prihoda od kamata i naknada za bankarske usluge sa jedne strane, i zbiru međufazne potrošnje i dodane vrijednosti sa druge strane.

Međufazna potrošnja obuhvata materijalne i nematerijalne troškove knjižene na kontima 900 do 902, 910 do 914, dio konta 915 (dnevnice za službena putovanja u zemlji i inostranstvu, naknade za službena i radna odijela i obuću), 916 do 918 i 9199.

Obaveze koje ne zavise od finansijskog rezultata: obuhvataju poreze i takse knjižene na kontima 909 i 9190.

Sredstva zaposlenih definišu se kao sva primanja zaposlenih u obračunskom razdoblju u vidu naknada za obavljeni rad i sva davanja u korist socijalne sigurnosti zaposlenih. Sredstva zaposlenih obuhvataju bruto plaće i naknade plaća, doprinose na plaće i naknade plaća i naknade zaposlenima.

Naknade zaposlenima (dio konta 915 i konto 9191) obuhvataju sljedeće izdatke: naknade prijevoza na posao i sa posla, naknade za ishranu u toku rada, terenski dodatak, naknade za privremene i povremene poslove, autorski honorari, naknade za odvojeni život, regres za godišnji odmor, otpremnine zbog odlaska u penziju, jubilarne nagrade, darovi djeci, pomoć u slučaju smrti radnika ili članova uže porodice, pomoć u slučaju teže invalidnosti, dužeg bolovanja, naknade članovima upravnog i nadzornog odbora.

Poslovni višak je izvedena kategorija koja se dobije kada se dodana vrijednost umanji za obaveze koje ne zavise od finansijskog rezultata, amortizaciju i sredstva zaposlenih. Napominjemo da poslovni višak nije isto što i dobit odnosno gubitak po bilansu uspjeha.

Broj zaposlenih: prosječan broj zaposlenih na bazi sati rada, utvrđuje se tako da se ukupan broj ostvarenih sati rada u razdoblju podijeli s brojem mogućih sati rada po jednom zaposlenom u tom razdoblju.

Prosječan broj zaposlenih na bazi stanja krajem mjeseca, utvrđuje se tako da se uzme broj zaposlenih na kraju svakog mjeseca iz kadrovske evidencije, i dobiveni zbir podijeli sa 12.

Troškovi amortizacije obračunati na imovinu sa pravom korištenja - operativni najam/lizing: Prikazati troškove amortizacije koji se odnose na imovinu s pravom korištenja u skladu sa MSFI 16 - Najmovi. Troškovi amortizacije se odnose samo na operativni najam/lizing (kao što su troškovi najamnine nekretnina, opreme, prevoznih sredstava i sl.) **isključujući finansijski najam/lizing.**

Troškovi kamate na imovinu sa pravom korištenja - operativni najam/lizing: Prikazati troškove kamata koji se odnose na imovinu s pravom korištenja u skladu sa MSFI 16 - Najmovi. Troškovi kamata se odnose samo na operativni najam/lizing (kao što su troškovi najamnine nekretnina, opreme, prevoznih sredstava i sl.) **isključujući finansijski najam/lizing.**